

D. A. G.

Dissertatio Philologico-Psychologica,
AD

STUDIUM PHILOLOGICUM
SOLAM MEMORIAM
NON SUFFICERE, LEVITER
DEMONSTRANS,
QUAM

Indulgente Ampliss. Facult. Philos. in Regia ad Au-
ram Academia,

P R Ä S I D E ,
VIRO MAXIME REVERENDO atque CELEBERRIMO,

D^N. D^{oct}. CAROLO
M E S T E R T O N ,
Log. & Metaph. PROFESS. Reg. & Ord.
PRO GRADU

*Publicæ bonorum censuræ modeste subjicit
Alumnus Regius,*

MICHAËL AVELLAN Joh. Fil.

TAVASTENSIS.

In Audit. Majori die VI. Jul. Anni MDCCLVII. H.P. M.S.

ABOÆ, Impressit Direct. & Typogr. Reg. Magn. Duc.
Finland. JACOB MERCKELL.


Maxime Reverendo atque Celeberrimo Viro.
**D^{N.}. CAROLO ABRAH.
CLEWBERG,**

Gr. & O. O. L. L. ad Regiam Academiam Aboënsim PROFESSORI Regio & Ordinario, Ecclesiarum Lundensis ANTISTITI Longe Dignissimo,
Utriusque Consistorii Adsecessori Gravissimo,
PROMOTORI & MÆCENATI MAGNO.

Dolor me adscit, torquet & angit, *Mecenas Magne*, memoria gratiæ & benivolentia tuæ mihi præstitæ. Me inquam, qui tot & tantis abs Te, cumulatus sum beneficiis, ut plura & majora a nemine proficiisci queant, qui que pro hisce, quod Tibi, *Mecenas Magne*, offerrem præter animum gratissimum & devotissimum, habeo prorsus nihil. Patiare itaque humilis precor, ut hunc animi mei ardorem publice jam tester, meque totum in ære tuo esse, si modo, qui ita sim dignus fuero, palam profitear. Adspicias etiam, *Philologe Maxime*, levissimas hasce Studii Philologicæ vindicias sereno, quo soles vultu; & habebit sic auctor illarum, uberrimam iu sinu sibimet gratulandi materiem. De cætero, Deum T. O. M. assidue precari nunquam intermittam, velit Te, *Mecenas Magne*, ad Nestoris usque annos salvum sospitemque servare, ut diu in Te habeat res publica, ecclesiastica, & literaria fulcrum firmissimum, Familia tua illustris columen certissimum, clementesque Patronum & Promotorem exoptatissimum, maximum.

Maxime Reverendi atque Celeberrimi
.2.M. Nominis tui,

Cliens devotissimus
MICHAEL AVELLAN.



I. N. S. S. T.

§. I.



Uamvis certum maxime & jam dudum evictum sit, scientias omnes, sua se commendare utilitate, magnaque insimul cultores suos perfundere jucunditate; tristis tamen testatur experientia, dari homines, qui nescio quibus carminibus fascinati, jam huic, jam vero alteri illarum aliquid laudis, quam jure suo sibi vindicant, detrahere annituntur. Huc si quæ alia, utique et jam referenda est Philologia. Notum enim est aduersus illam, variis modis insurgere solere osores eius. Inter alias autem quibus in hanc invehuntur calumnias, non utique minima est illa, qua memoriae solum opus, atque sic eruditio indignum esse urgetur studium Philologicum. Quod quam absurdum & falsum sit, brevibus hisce leviter exponere

conabimur pagellis, tuamque L. H. interim, qua par est, observantia nobis expetimus gratiam & benivolentiam.

§. II.

OStensuris nobis ad studium Philologicum solam memoriam non sufficere, primo demonstrandum incumbit, absurdam prorsus esse illorum sententiam, qui id statuunt. Hoc autem quam verum sit mox perspiciemus, si adtendere voluerimus ad ipsam memoriae definitionem, quam tradunt Psychologi, dicentes illam esse: *facultatem ideas reproductas recognoscendi pro iisdem quas jam antea habuimus.* Ex hac inquam notione memoriae perspicue adparet illius ope nullarum rerum, nisi jam antea cognitarum seu quarum jam antea nobis formavimus ideas, notitiam adquiri posse. Quomodo itaque quæsto studiū Philologiae esse opus solius memoriae dicere potes? certe absque omni veritatis specie hoc statuitur, Porro si verum est, ceu docent multi Psychologi, memoriam inter facultates animæ inferiores referendam, hominibusque cum brutis animantibus communem esse, palam est, dum Philologia solius memoriae opus statuitur, insimul statui bruta esse capacia studii Philologici, quod tamen maxime esse absonum, qui negabit, habebis certe neminem. Si autem ex adverso cum Cl. Schuberto (*) memoriam facultatibus cognoscendi superioribus adnumerare volueris,

Iueris, voluerintque de quibus agimus contemtores Philologiæ, & vel sic absurditatis & stultitiae notam incurruunt. Tunc enim posito, non tamen concessio, ad studium Philologiæ memoria solum opus esse, id quod urgent, nim: Philogiam eruditō minus esse dignam, non sequitur, nisi idem de reliquis scientiis, ad quas facultates cogn. Superiores, cum memoria etjam requiruntur, adseverere velimus, quod iterum esset absurdum.

(*) in inst. Metaph. Part. II. Cap. 4. §. 538. B.

§. III.

EVICTA jam ut opinamur absurditate sententiae adversorum nostrorum, ad Studium Philologicum aliis etjam præter memoriam, animæ facultatibus non inferioribus solum, verum etjam superioribus opus esse, paucis est dicendum. De inferioribus cognoscendi facultatibus quin Philologo competant, eo minus quemvis dubitaturum existimamus, quo facilius præsumi potest, eas in controversiam hoc in puncto non venire. Superiores autem quod adtinet, etjam illas genuino Philologo necessarias esse demonstratu est facile, si modo ad ipsam Scientiæ hujus Aureæ indolem vel paululum adtendere voluerimus. Qui Philologiæ operam dare vult, illum inter alia oportet in id incumbere, ut præcepta Grammaticæ non solum universalis, verum etjam cuique lingvæ

propriæ notitiam habeat, & pro multitudine varieta-
teque partium ejus varias etjam teneat regulas, ad-
eoque necessum est discat, unam vocem ex altera ri-
te derivare, vocabula lingvæ cujusque indoli conve-
nienter construere, eadem rite pronunciare, signifi-
cationesque vocum recte ordinare, & quæ sunt reli-
qua. Hoc autem fieri non potest nisi ab illo, qui
quænam ideæ conjungendæ, quæ vero separandæ
sunt, noverit, quique adeo regulas illas Philologi-
cas, rite & modo convenienti in qualibet speciali
casu applicare valet. Alias etenim, jam ad hanc
jam vero ad aliam radicem referretur vox quædam,
jamque hoc & jam alio modo minus convenienti
locarentur verba in constructione quadam, & deni-
que nunc hoc, nunc alio tono, pronunciaretur idem,
ejusdemque significationis vocabulum, omniaque sic
confusa essent, & usque adeo perperam fierent ut
nihil minus quam Philologiam saperet. Quod quum
ita sit, necessum quoque est, concedatur ad Philolo-
giā requiri *judicium*. illud enim nihil aliud est
quam *facultas* *idearum convenientiam & disconvenien-
tiam perspiciendi*. Ingenium porro, quod in facili-
tate *observandi rerum similitudines consilit, & ratio-
nem*, quæ per facultatem *nexus rerum cognoscendi*,
definiri solet, Philologiam supponere non minus est
clarum. Notum quippe est, in illa præter specialio-
ra, tradit non solum convenientiam similitudinemque
& nexus unius linguæ cum altera, derivatorumque
cum suis primitivisque, verum etjam exponi quomo-
do ex derivatione & significatione radicis æque ac
aliarum

***) 7 (***

aliarum vocum cognatarum vera significatio s̄apenū-
mero erui debeat. (*) Ex hoc autem deinceps et-
jam manifesto adparet, ad Philologiam opus esse
attentione & reflexione acumineque & soliditate utpo-
te quas ingenium & ratio prorequirunt. Tandem
quemadmodum ope abstractionis primaria vocum
significatio eruitur; ita etjam illam in Philologicis
adprime esse necessariam, quilibet, nisi talpa cœcior,
videt.

(*) Conf. Cl. Carpovii *Meditatio ---- de lingua*
ejusque perfectione Cap. II. §. 152.

§. IV.

Quamprimum vero, ceu in §. antecedenti **conati**
sumus, demonstratum est, Philologo omnino o-
pus esse *judicio, ingenio, ratione &c.* deprehendes
quoque, si modo volueris, has ipsas facultates animæ
nostræ ope studii Philologicici acui & augeri, adeo ut
hancee nostram scientiam *cotem ingenii* etjam esse
haudimmerito dixeris. Prouti enim disciplinæ Ma-
thematicæ ab eruditis ad excitandam & augendam
attentionem comendantur, eam imprimis ob caus-
am, quod in iis si calculando aut demonstrando er-
ror aliquis committatur, meditatio de novo erit in-
stituenda, quæ quia s̄apius reptita cum tædio me-
ditantis conjuncta est, animum tandem attentum
redit; ita etjam in Philologicis, dum e. g. in ex-
planando

platando sensu auctoris ejusdam secundum regulas & indolem linguæ, qua usus est, versatur aliquis, nisi a præcipititia in judicando sibi caverit, necesse habet easdam regulas iterum atque iterum in auxilium vocare, & percurrere, id quod et jam plus simplici vice iteratum tedium parit, adeoque attentionem auget, Ita ut certum omnino maneat, Philologiae in excolendo ingenio humano multum adscribi posse.

§. V.

VEL ex hisce, pro ratione temporis aliarumque rerum circumstantium, qualitercunque delibatis, videri posse existimamus, quo loco habenda sit sententia adversariorum nostrorum, quidque sentiendum de trito illo: *Linguae non faciunt eruditum, aliisque similibus.* Esse nim. illa eorum ex numero, quibus uti solent rei Philologicæ minus periti, quibusque eam ob causam merito reponi potest: *ars non habet osorem nisi ignorantem.* Nugentur itaque quidquid velint contemtores Philologiae, res ipsa tamen cordatum quemque docebit veritatem semper manere eandem, magnamque indefessis & nonfucatis suis cultoribus adferre utilitatem & nunquam non promovere Summi Numinis Gloriam.